

四庫全書

史部

欽定四庫全書

史部  
繹史卷二十四之四

詳校官檢討臣羅國俊

編修臣裴謙覆勘

覆校官博士臣劉光第

校對官中書臣施光輅

謄錄舉人臣周元濟

欽定四庫全書

釋史卷二十四之四

靈壁縣知縣馬驥撰

周禮之制

喪服

儀禮喪服斬衰裳苴經杖絞帶冠繩纓菅屨者傳曰斬者何不緝也苴經者麻之有貴者也苴經大搯左本在下去五分一以為帶齊衰之經斬衰之帶也去五分一以為帶大功之經齊衰之帶也去五分一以為帶小功

之經大功之帶也去五分一以為帶總麻之經小功之帶也去五分一以為帶苴杖竹也削杖桐也杖各齊其心皆下本杖者何爵也無爵而杖者何擔主也非主而杖者何輔病也童子何以不杖不能病也婦人何以不杖亦不能病也絞帶者繩帶也冠繩纓條屬右縫冠六升外畢鍛而勿灰衰三升菅屨者菅菲也外納居倚廬寢苦枕塊哭晝夜無時歆粥朝一溢米夕一溢米寢不脫經帶既虞翦屏柱楣寢有席食疏食水飲朝一哭夕

一哭而已既練舍外寢始食菜果飯素食哭無時

記凡

削幅裳內削幅幅三衿若齊裳內裏外負廣出於適寸適博四寸出於裏裏長六寸博四寸衣帶下尺衽二尺有五寸袂屬幅衣二尺有二寸祛尺二寸裏三升三升有半其冠六升以其冠為受受冠七升齊裏四升其冠七升以其冠為受受冠八升總裏四升有半其冠八升大功八升若九升小功十升若十一升禮記裏與其不當物也寧無裏齊裏不以邊坐大功不以服勤也者實也○檀弓經殺五分而去一杖大如經喪服小記喪冠不緹古者冠縮縫今也衡縫故喪冠之反吉非古也○檀弓喪冠條屬以別吉凶三年之練冠亦條屬右縫小功以下左總冠綠纓大功以上散帶朝服十五升去其半而總加灰錫也雜記練練衣黃裏練綠葛要經繩屨無絢角瑱

鹿裘衡長祛祛裼之可也○檀弓

父傳曰為父何

以斬衰也父至尊也

禮記庶子不以杖即位○喪服小記大夫為其父母兄弟之未為

大夫者之喪服如士服士為其父母兄弟之為大夫者之喪服如士服大夫之適子服大夫之服大夫之庶子為大夫則為其父母服大夫服大夫服其位與未為大夫者齒○雜記諸侯為天子傳曰天

子至尊也

禮記君為天子三年夫人如外宗之為君也世子不為天子服○服問

君傳

曰君至尊也

禮記與諸侯為兄弟者服斬○喪服小記大夫之適子為君夫人大子如士服○

服問外宗為君夫人猶內宗也○雜記

父為長子傳曰何以三年也正

體於上又乃將所傳重也庶子不得為長子三年不繼

祖也

禮記為長子杖則其子不以杖即位○雜記

為人後者傳曰何以三

年也受重者必以尊服服之何如而可為之後同宗則

可為之後何如而可以為人後支子可也為所後者之

祖父母妻妻之父母昆弟昆弟之子若子 妻為夫傳

曰夫至尊也禮記婦人不為主而杖者姑在為夫杖○喪服小記 妻為君傳曰

君至尊也也 女子子在室為父禮記女子子在室為父母其主喪者不杖則子

一人杖喪服小記 布總箭筭髮衰三年傳曰總六升長六寸

箭筭長尺吉筭尺二寸禮記箭筭終喪三年○喪服小記 子嫁反在

父之室為父三年禮記為父母喪未練而出則三年既練而出則已未練而反則期既練而

反則遂之○  
喪服小記

公士大夫之衆臣為其君布帶繩屨傳

曰公卿大夫室老士貴臣其餘皆衆臣也君謂有地者也衆臣杖不以即位近臣君服斯服矣繩屨者繩菲也

疏衰裳齊牡麻經冠布纓削杖布帶疏屨三年者傳

曰齊者何緝也牡麻者枲麻也牡麻經右本在上冠者

沽功也疏屨者薦蒯之菲也父卒則為母

禮記庶子在父之室

則為其母不禪

喪服小記

繼母如母傳曰繼母何以如母繼母

之配父與因母同故孝子不敢殊也慈母如母傳曰



慈母者何也傳曰妾之無子者妾子之無母者父命妾

曰女以為子命子曰女以為母若是則生養之終其身

如母死則喪之三年如母貴父之命也

禮記為慈母後者為庶母可也

為庶祖母可也為慈母之父母無服○喪服小記

母為長子傳曰何以三年

也父之所不降母亦不敢降也

禮記母為長子削杖妾為君之長子與女君

同○喪服小記

疏衰裳齊牡麻經冠布纓削杖布帶疏屨期

者傳曰問者曰何冠也曰齊衰大功冠其受也總麻小

功冠其衰也帶緣各視其冠

父在為母傳曰何以期

也屈也至尊在不敢伸其私尊也父必三年然後娶達

子之志也

妻傳曰為妻何以期也妻至親也

禮記為妻父母

在不杖不稽顙母在不稽顙稽顙者其贈也拜○雜記父在庶子為妻以杖即位可也宗子母在為妻禫

○喪服

小記

出妻之子為母傳曰出妻之子為母期則為

外祖母無服傳曰絕族無施服親者屬出妻之子為

父後者則為出母無服傳曰與尊者為一體不敢服其

私親也

禮記絕族無移服親者屬也○大傳為父後者為出母無服無服也者喪者不祭故也○喪

服小記

父卒繼母嫁從為之服報傳曰何以期也貴終

也 不杖麻屨者 祖父母傳曰何以期也至尊也

禮記

祖父卒而后為祖母後者三年○喪服小記

世父母叔父母傳曰世父叔

父何以期也與尊者一體也然則昆弟之子何以亦期也旁尊也不足以加尊焉故報之也父子一體也夫妻一體也昆弟一體也故父子首足也夫妻胖合也昆弟四體也故昆弟之義無分然而有分者則辟子之私也子不私其父則不成為子故有東宮有西宮有南宮有北宮異居而同財有餘則歸之宗不足則資之宗世母

叔母何以亦期也以名服也

禮記生不及祖父母諸父昆弟而父執喪已則否降

而在總小功者則稅之○喪服小記

大夫之適子為妻傳曰何以期也

父之所不降子亦不敢降也何以不杖也父在則為妻

不杖

禮記世子不降妻之父母其為妻也與大夫之適子同○喪服小記

昆弟為衆

子

禮記父不主庶子之葬則孫以杖即位可也○喪服小記

昆弟之子傳曰何以

期也報之也

禮記喪服兄弟之子猶子也蓋引而進之也○檀弓

大夫之庶子

為適昆弟傳曰何以期也父之所不降子亦不敢降也

適孫傳曰何以期也不敢降其適也有適子者無適

孫孫婦亦如之 為人後者為其父母報傳曰何以期  
也不貳斬也何以不貳斬也特重於大宗者降其小宗  
也為人後者孰後後大宗也冒為後大宗大宗者尊之  
統也禽獸知母而不知父野人曰父母何算焉都邑之  
士則知尊禰矣大夫及學士則知尊祖矣諸侯及其大  
祖天子及其始祖之所自出尊者尊統上卑者尊統下  
大宗者尊之統也大宗者收族者也不可以絕故族人  
以支子後大宗也適子不得後大宗

禮記夫為人後者  
其妻為舅姑大功

○喪服  
小記

女子子適人者為其父母昆弟之為父後者

傳曰為父何以期也婦人不貳斬也婦人不貳斬者何也婦人有三從之義無專用之道故未嫁從父既嫁從夫夫死從子故父者子之天也夫者妻之天也婦人不貳斬者猶曰不貳天也婦人不能二尊也為昆弟之為父後者何以亦期也婦人雖在外必有歸宗曰小宗故服期也

記女子子適人者為其父母婦為舅姑惡筭有首以髮率哭子折筭首以筭布總傳曰筭有首者惡筭之有首也惡筭者擗筭也折筭首者折吉筭之首也言筭者象筭也何以言子折筭首而不言婦終之

也

繼父同居者傳曰何以期也傳曰夫死妻穉子幼子無大功之親與之適人而所適者亦無大功之親所適者以其貨財為之築宮廟歲時使之祀焉妻不敢與焉若是則繼父之道也同居則服齊衰期異居則服齊衰三月必嘗同居然後為異居未嘗同居則不為異居

禮記繼父不同居也者必嘗同居皆無主後同財而祭其祖禰為同居有主後者為異居○喪服小記

為夫之君傳曰何以期也從服也 姑姊妹女子子適

人無主者姑姊妹報傳曰無主者謂其無祭主者也何

以期也為其無祭主故也 為君之父母妻長子祖父

母傳曰何以期也從服也父母長子君服斬妻則小君

也父卒然後為祖後者服斬

禮記為君之父母妻長子君已除喪而后聞喪則不

我近臣君服斯服矣其餘從而服不從而我君雖未知喪臣服已○喪服小記君之母非夫人則羣臣無服

唯近臣及僕騂乘從服唯君所服服也 服問

妾為女君傳曰何以期也妾

之事女君與婦之事舅姑等

記妾為女君君之長子惡并有首布總凡妾為私

兄弟如邦人 禮記妾從女君而出則不為女君之子喪服小記女君死則妾為女君之黨服攝女君

則不為先女君之黨服○雜記

婦為舅姑傳曰何以期也從服也

禮記



婦當喪而出則除之○喪服小記

夫之昆弟之子傳曰何以期也報

之也 公妾大夫之妾為其子傳曰何以期也妾不得體君為其子得遂也 女子子為祖父母傳曰何以期也不敢降其祖也 大夫之子為世父母叔父母子昆弟昆弟之子姑姊妹女子子無主者為大夫命婦者唯子不報傳曰大夫者其男子之為大夫者也命婦者其婦人之為大夫妻者也無主者命婦之無祭主者也何以言唯子不報也女子子適人者為其父母期故言不

報也言其餘皆報也何以期也父之所不降子亦不敢降也大夫曷為不降命婦也夫尊於朝妻貴於室矣大夫為祖父母適孫為士者傳曰何以期也大夫不敢降其祖與適也公妾以及士妾為其父母傳曰何以期也妾不得體君得為其父母遂也疏衰裳齊牡麻經無受者寄公為所寓傳曰寄公者何也失地之君也何以為所寓服齊衰三月也言與民同也丈夫婦人為宗子宗子之母妻傳曰何以服齊衰三月也尊祖

也尊祖故敬宗敬宗者尊祖之義也宗子之母在則不

為宗子之妻服也

記宗子孤為殤大功衰小功衰皆三月親則月奠如邦人

為舊

君君之母妻傳曰為舊君者孰謂也仕焉而已者也何

以服齊衰三月也言與民同也君之母妻則小君也

禮記

仕而未祿者君有饋焉曰獻使焉曰寡君違而君薨弗為服也○檀弓

庶人為國君

大夫在外其妻長子為舊國君傳曰何以服齊衰三月

也妻言與民同也長子言未去也 繼父不同居者

曾祖父母傳曰何以齊衰三月也小功者兄弟之服也

不敢以兄弟之服服至尊也 大夫為宗子傳曰何以服齊衰三月也大夫不敢降其宗也 舊君傳曰大夫

為舊君何以服齊衰三月也大夫去君歸其宗廟故服

齊衰三月也言與民同也何大夫之謂乎言其以道去

君而猶未絕也

禮記遠諸侯之大夫不反服遠大夫之諸侯不反服

○雜記

曾祖

父母為士者如衆人傳曰何以齊衰三月也大夫不敢

降其祖也

女子子嫁者未嫁者為曾祖父母傳曰嫁

者其嫁於大夫者也未嫁者其成人而未嫁者也何以

服齊衰三月不敢降其祖也

禮記齊衰三月與大功同者繩屨○喪服小記

大功布衰裳牡麻經無受者 子女子子之長殤中殤

叔父之長殤中殤 姑姊妹之長殤中殤 昆弟之

長殤中殤 夫之昆弟之子女子子之長殤中殤 適

孫之長殤中殤 大夫之庶子為適昆弟之長殤中殤

公為適子之長殤中殤 大夫為適子之長殤中殤

其長殤皆九月纓經其中殤七月不纓經傳曰何以大

功也未成人也何以無受也喪成人者其文縵喪未成

人者其文不縵故殤之經不繆垂蓋未成人也年十九至十六為長殤十五至十二為中殤十一至八歲為下殤不滿八歲以下為無服之殤無服之殤以日易月以日易月之殤殤而無服故子生三月則父名之死則哭之未名則不哭也

禮記丈夫冠而不為殤婦人笄而不為殤為殤後者以其服服之○喪服

小記

大功布裏裳牡麻經纓布帶三月受以小功哀即

葛九月者傳曰大功布九升小功布十一升 姑姊妹

女子子適人者傳曰何以大功也出也

禮記姑姊妹之薄也蓋有受我

而厚之者  
也○禮弓

從父昆弟 為人後者為其昆弟傳曰何

以大功也為人後者降其昆弟也

記為人後者於兄弟降一等報於所為後

之兄弟之  
子若子

庶孫 適婦傳曰何以大功也不降其適

也

禮記適婦不為舅姑後者則姑為之小功○喪服小記

女子子適人者為衆

昆弟

姪丈夫婦人報傳曰姪者何也謂吾姑者吾謂

之姪

夫之祖父母世父母叔父母傳曰何以大功也

從服也夫之昆弟何以無服也其夫屬乎父道者妻皆

母道也其夫屬乎子道者妻皆婦道也謂弟之妻婦者

是嫫亦可謂之母乎故名者人治之大者也可無慎乎

禮記嫂叔之無服也蓋推而遠之也○檀弓同姓從宗合族屬異姓主名治際會名著而男女有別其夫屬乎父道者妻皆母道也其夫屬乎子道者妻皆婦道也謂弟之妻婦者是嫂亦可謂之母乎名者人治之大者也可無慎乎

大夫為世父母叔父母子昆弟昆弟之子

為士者傳曰何以大功也尊不同也尊同則得服其親

服

禮記大夫降其庶子其孫不降其父○喪服小記

公之庶昆弟大夫之庶

子為母妻昆弟傳曰何以大功也先君餘尊之所厭不得過大功也大夫之庶子則從乎大夫而降也父之所



不降子亦不敢降也 皆為其從父昆弟之為大夫者  
為夫之昆弟之婦人子適人者 大夫之妾為君之  
庶子 女子子嫁者未嫁者為世父母叔父母姑姊妹  
傳曰嫁者其嫁於大夫者也未嫁者成人而未嫁者也  
何以大功也妾為君之黨服得與女君同下言為世父  
母叔父母姑姊妹者謂妾自服其私親也 大夫大夫  
之妻大夫之子公之昆弟為姑姊妹女子子嫁於大夫  
者 君為姑姊妹女子子嫁于國君者傳曰何以大功

也尊同也尊同則得服其親服諸侯之子稱公子公子  
不得禰先君公子之子稱公孫公孫不得祖諸侯此自  
卑別於尊者也若公子之子孫有封為國君者則世世  
祖是人也不祖公子此自尊別于卑者也是故始封之  
君不臣諸父昆弟封君之子不臣諸父而臣昆弟封君  
之孫盡臣諸父昆弟故君之所為服子亦不敢不服也  
君之所不服子亦不敢服也

禮記大功廢業或曰  
大功誦可也○檀弓

總

哀裳牡麻經既奠除之者傳曰總哀者何以小功之總

也 諸侯之大夫為天子傳曰何以總哀也諸侯之大

夫以時接見乎天子 小功布袞裳澡麻帶經五月者

禮記下殤小功帶澡麻不絕本  
訕而反以報之○喪服小記

叔父之下殤 適孫

之下殤 昆弟之下殤 大夫庶子為適昆弟之下殤

為姑姊妹女子子之下殤 為人後者為其昆弟從

父昆弟之長殤傳曰問者曰中殤何以不見也大功之

殤中從上小功之殤中從下 為夫之叔父之長殤

昆弟之子女子子夫之昆弟之子女子子之下殤 為

姪庶孫丈夫婦人之長殤 大夫公之昆弟大夫之子

為其昆弟庶子姑姊妹女子子之長殤 大夫之妾為

庶子之長殤 小功布衾裳牡麻經即葛五月者 從

祖祖父母從祖父母報 從祖昆弟

記兄弟皆在他邦加一等不及知父

母與兄弟居加一等傳曰何如則可謂之兄弟傳曰小功以下為兄弟君之所為兄弟服室老降一等夫之

所為兄弟服妻降一等

從父姊妹 孫適人者 為人後者為

其姊妹適人者 為外祖父母傳曰何以小功也以尊

加也 從母丈夫婦人報傳曰何以小功也以名加也

外親之服皆總也

記庶子為後者為其外祖父母從母舅無服不為後如邦人禮記為母

之君母母率則不服○喪服小記傳曰母出則為繼母之黨服母死則為其母之黨服為其母之黨服則不

為繼母之黨服○服問

夫之姑姊妹娣姒婦報傳曰娣姒婦者

弟長也何以小功也以為相與居室中則生小功之親

焉大夫大夫之子公之昆弟為從父昆弟庶孫姑娣

妹女子子適士者

記大夫公之昆弟大夫之子于兄弟降一等

大夫之妾

為庶子適人者庶婦君母之父母從母傳曰何以

小功也君母在則不敢不從服君母不在則不服

禮記為君

母後者君母卒則不為君母之黨服○喪服小記

君子子為庶母慈已者傳

曰君子子者貴人之子也為庶母何以小功也以慈已加也 總麻三月者傳曰總者十五升抽其半有事其

縷無事其布曰總

記童子唯當室總服不當室則無總服也

族曾祖父母

族祖父母

族父母

族昆弟

庶孫之婦

庶孫

之中殤

從祖姑姊妹適人者報

從祖父從祖昆弟

之長殤

外孫

從父昆弟姪之下殤

夫之叔父之

中殤下殤

從母之長殤報

庶子為父後者為其母

傳曰何以總也傳曰與尊者為一體不敢服其私親也  
然則何以服總也有死於宮中者則為之三月不舉祭  
因是以服總也 士為庶母傳曰何以總也以名服也  
大夫以上為庶母無服 貴臣貴妾傳曰何以總也以  
其貴也

禮記士妾有子而為之總  
無子則已○喪服小記

乳母傳曰何以總

也以名服也 從祖昆弟之子 曾孫 父之姑 從  
母昆弟傳曰何以總也以名服也 甥傳曰甥者何也  
謂吾舅者吾謂之甥何以總也報之也 壻傳曰何以

總也報之也 妻之父母傳曰何以總從服也 姑之

子傳曰何以總報之也 舅傳曰何以總從服也 舅

之子傳曰何以總從服也 夫之姑姊妹之長殤 夫

之諸祖父母報 君母之昆弟傳曰何以總從服也

從父昆弟之子之長殤 昆弟之孫之長殤 為夫之

從父昆弟之妻傳曰何以總也以為相與同室則生總

之親焉

禮記從母之夫舅之妻二夫人相為服  
君子未之言也或曰同爨總○擅弓

長殤

中殤降一等下殤降二等齊衰之殤中從上大功之殤



# 中從下

記改

○妻

緇冠葛經帶麻衣緇緣皆既其

傳曰何以不在五服之中也君之所不服子亦不敢服也君之所為服子亦不敢不服也朋友皆在他邦袒

免歸則已朋友麻大夫弔於命婦錫衰命婦弔於

大夫亦錫衰傳曰錫者何也麻之有錫者也錫者十五

升抽其半無事其縷有事其布曰錫禮記公為卿大

夫錫衰以居出亦如之當事則弁經大夫相為亦然為

其妻往則服之出則否服問諸侯弔必皮弁錫衰

所弔雖已墓主人必免主人未喪服則君亦不錫衰○

喪服小記大夫之哭大夫弁經大夫與殯亦弁經大

夫有私喪之葛則於其兄弟之輕喪亦弁經凡弁經

其衰侈袂○雜記天子之哭諸侯也爵弁經紂衣或

曰使有司哭之為之以樂食○擅弓無服而為位

者唯嫂叔及婦人降

而無服者麻○奔喪

禮記事親有隱而無犯左右就養無方服勤至死致喪  
三年事君有犯而無隱左右就養有方服勤至死方喪  
三年事師無犯無隱左右就養無方服勤至死心喪三  
年○檀弓三年之喪何也曰稱情而立文因以飾羣別

親疎貴賤之節而弗可損益也故曰無易之道也創鉅  
者其日久痛甚者其愈遲三年者稱情而立文所以為  
至痛極也斬衰苴杖居倚廬食粥寢苦枕塊所以為至  
痛飾也三年之喪二十五月而畢哀痛未盡思慕未忘

然而服以是斷之者豈不送死有已復生有節也哉凡  
生天地之間者有血氣之屬必有知有知之屬莫不知  
愛其類今是大鳥獸則失喪其羣匹越月踰時焉則必  
反巡過其故鄉翔回焉鳴號焉踯躅焉跼蹐焉然後乃  
能去之小者至于燕雀猶有啁噍之頃焉然後乃能去  
之故有血氣之屬者莫知于人故人于其親也至死不  
窮將由夫患邪淫之人與則彼朝死而夕忘之然而從  
之則是曾鳥獸之不若也夫焉能相與羣居而不亂乎

將由夫脩飾之君子與則三年之喪二十五月而畢若  
駟之過隙然而遂之則是無窮也故先王焉為之立中  
制節壹使足以成文理則釋之矣然則何以至期也曰  
至親以期斷是何也曰天地則已易矣四時則已變矣  
其在天地之中者莫不更始焉以是象之也然則何以  
三年也曰加隆焉爾也焉使倍之故再期也由九月以  
下何也曰焉使弗及也故三年以為隆總小功以為殺  
期九月以為閒上取象於天下取法於地中取則於人

人之所以羣居和壹之理盡矣故三年之喪人道之至  
文者也夫是之為至隆是百王之所同古今之所壹也  
未有知其所由來者也孔子曰子生三年然後免于父  
母之懷夫三年之喪天下之達喪也

○三年問○語本  
荀子三年之喪

自天子達  
○王制

凡禮之大體體天地法四時則陰陽順人

情故謂之禮訾之者是不知禮之所由生也夫禮吉凶  
異道不得相干取之陰陽也喪有四制變而從宜取之  
四時也有恩有理有節有權取之人情也恩者仁也理

者義也節者禮也權者知也仁義禮知人道具矣其恩厚者其服重故為父斬衰三年以恩制者也門內之治恩揜義門外之治義斷恩資于事父以事君而敬同貴貴尊尊義之大者也故為君亦斬衰三年以義制者也三日而食三月而沐期而練毀不滅性不以死傷生也喪不過三年苴哀不補墳墓不培祥之日鼓素琴告民有終也以節制者也資于事父以事母而愛同天無二日土無二王國無二君家無二尊以一治之也故父在

為母齊衰期者見無二尊也杖者何也爵也三日授子杖五日授大夫杖七日授士杖或曰擔主或曰輔病婦人童子不杖不能病也百官備百物具不言而事行者扶而起言而后事行者杖而起身自執事而后行者面垢而已禿者不髻偃者不袒跛者不踊老病不止酒肉凡此八者以權制者也始死三日不怠三月不解期悲哀三年憂恩之殺也聖人因殺以制節此喪之所以三年賢者不得過不肖者不得不及此喪之中庸也王者

之所常行也 禮斬衰之喪唯而不對齊衰之喪對而  
不言大功之喪言而不議總小功之喪議而不及樂父  
母之喪衰冠繩纓菅屨三日而食粥三月而沐期十三  
月而練冠三年而祥比終茲三節者仁者可以觀其愛  
焉知者可以觀其理焉彊者可以觀其志焉禮以治之  
義以正之孝子弟弟貞婦皆可得而察焉

○喪服  
四制

斬

衰何以服苴苴惡貌也所以首其內而見諸外也斬衰  
貌若苴齊衰貌若冑大功貌若止小功總麻容貌可也



此哀之發于容體者也斬哀之哭若往而不反齊哀之哭若往而反大功之喪三曲而偯小功總麻哀容可也此哀之發于聲音者也斬哀唯而不對齊哀對而不言大功言而不議小功總麻議而不及樂此哀之發于言語者也斬哀三日不食齊哀二日不食大功三不食小功總麻再不食士與飲焉則壹不食故父母之喪既殯食粥朝一溢米莫一溢米齊哀之喪疏食水飲不食菜果大功之喪不食醯醬小功總麻不飲醴酒此哀之發

于飲食者也父母之喪既虞卒哭疏食水飲不食菜果期而小祥食菜果又期而大祥有醯醬中月而禫禫而飲醴酒始飲酒者先飲醴酒始食肉者先食乾肉父母之喪居倚廬寢苦枕塊不稅經帶齊衰之喪居堊室芻翦不納大功之喪寢有席小功緦麻牀可也此哀之發于居處者也父母之喪既虞卒哭柱楣翦屏芻翦不納期而小祥居堊室寢有席又期而大祥居復寢中月而禫禫而牀斬衰三升齊衰四升五升六升大功七升八

升九升小功十升十一升十二升總麻十五升去其半  
有事其縷無事其布曰總此哀之發于衣服者也斬衰  
三升既虞卒哭受以成布六升冠七升為母疏衰四升  
受以成布七升冠八升去麻服葛葛帶三重期而小祥  
練冠繅緣要經不除男子除乎首婦人除乎帶男子何  
為除乎首也婦人何為除乎帶也男子重首婦人重帶  
除服者先重者易服者易輕者又期而大祥素縞麻衣  
中月而禫禫而纖無所不佩易服者何為易輕者也斬

哀之喪既虞卒哭遭齊哀之喪輕者包重者特既練遭大功之喪麻葛重齊哀之喪既虞卒哭遭大功之喪麻葛兼服之斬哀之葛與齊哀之麻同齊哀之葛與大功之麻同大功之葛與小功之麻同小功之葛與總之麻同麻同則兼服之兼服之服重者則易輕者也。○閒傳

不葛帶○檀弓  
經而麻帶○少儀

葛

三年之喪既練矣有期之喪既

婦人

葬矣則帶其故葛帶經期之經服其功哀有大功之喪亦如之小功無變也麻之有本者變三年之葛既練遇

麻斷本者于免經之既免去經每可以經必經既經則去之小功不易喪之練冠如免則經其總小功之經因其初葛帶總之麻不變小功之葛小功之麻不變大功之葛以有本為稅殤長中變三年之葛終殤之月奠而反三年之葛是非重麻為其無卒哭之稅下殤則否服○

問 有三年之練冠則以大功之麻易之唯杖屨不易○雜記

或問曰杖者何也曰

竹桐一也故為父苴杖苴杖竹也為母削杖削杖桐也或問曰杖者以何為也曰孝子喪親哭泣無數服勤三

年身病體羸以杖扶病也則父在不敢杖矣尊者在故也堂上不杖辟尊者之處也堂上不趨示不遽也此孝子之志也人情之實也禮義之經也非從天降也非從地出也人情而已矣

○問喪

君之喪三日子夫人杖五

日既殯授大夫世婦杖子大夫寢門之外杖寢門之內輯之夫人世婦在其次則杖即位則使人執之子有王命則去杖國君之命則輯杖聽卜有事於尸則去杖大夫於君所則輯杖於大夫所則杖大夫之喪三日之朝

既殯主人主婦室老皆杖大夫有君命則去杖大夫之命則輯杖內子為夫人之命去杖為世婦之命授人杖士之喪二日而殯三日之朝主人杖婦人皆杖於君命夫人之命如大夫於大夫世婦之命如大夫子皆杖不以即位大夫士哭殯則杖哭柩則輯杖棄杖者斷而棄之於隱者

○喪大記 天子崩三日祝先服五日官長服七日國中男女女服三月天下服公之喪諸

達官之長杖○檀弓 虞杖不入於室附杖不升於堂○喪服小記

君之喪子大夫公

子衆士皆三日不食子大夫公子衆士食粥納財朝一

溢米莫一溢米食之無算士疏食水飲食之無算夫人  
世婦諸妻皆疏食水飲食之無算大夫之喪主人室老  
子姓皆食粥衆士疏食水飲妻妾疏食水飲士亦如之  
既葬主人疏食水飲不食菜果婦人亦如之君大夫士  
一也練而食菜果祥而食肉食粥於盛不盥食於簋者  
盥食菜以醯醬始食肉者先食乾肉始飲酒者先飲醴  
酒期之喪三不食食疏食水飲不食菜果三月既葬食  
肉飲酒期終喪不食肉不飲酒父在為母為妻九月之



喪食飲猶期之喪也食肉飲酒不與人樂之五月三月之喪壹不食再不食可也比葬食肉飲酒不與人樂之叔母世母故主宗子食肉飲酒不能食粥羹之以菜可也有疾食肉飲酒可也五十不成喪七十唯哀麻在身既葬若君食之則食之大夫父之友食之則食之矣不

辟梁肉若有酒醴則辭

○喪大記 三年之喪如或遺之酒肉則受之必三辭主人哀

經而受之如君命則不敢辭受而薦之喪者不遺人遺之雖酒肉受也從父昆弟以下既卒哭遺人可也  
有服人召之食不往大功以下既葬適人人食之其黨也食之非其黨弗食也功衰食菜果飲水漿無鹽酪不

能食食鹽酪可也 視君之母與君之妻比之兄弟發  
諸顏色者亦不飲食也 非為人喪問與賜與 雜記

父母之喪居倚廬不塗寢苦枕由非喪事不言君為  
廬宮之大夫士禴之既葬柱楣塗廬不於顯者君大夫  
士皆宮之凡非適子者自未葬以於隱者為廬既葬與  
人立君言王事不言國事大夫士言公事不言家事君  
既葬王政入於國既卒哭而服王事大夫士既葬公政  
入於家既卒哭弁絰帶金革之事無辟也既練居堊室  
不與人居君謀國政大夫士謀家事既祥黝堊祥而外

無哭者禫而內無哭者樂作矣故也禫而從御吉祭而復寢期居廬終喪不御於內者父在為母為妻齊衰期者大功布哀九月者皆三月不御於內婦人不居廬不寢苦喪父母既練而歸期九月者既葬而歸公之喪大夫俟練士卒哭而歸大夫士父母之喪既練而歸朔日忌日則歸哭於宗室諸父昆弟之喪既卒哭而歸父不次於子兄不次於弟

○喪大記 三年之喪言而不語對而不問廬堊室之中不與人坐

馬在堊室之中非時見乎母也不入門疏哀皆居堊室不廬廬嚴者也 童子哭不偯不踊不扶不菲不廬

疏哀之喪既葬人請見之則見不請見人小功請見人可也大功不以執摯唯父母之喪不辟涕泣而見人大夫次於公館以終喪士練而歸士次於公館大夫居廬士居堊室凡喪小功以上非虞祔練祥無沐浴○雜記父不為衆子次於外○喪服小記凡見人無免經雖朝於君無免經唯公門有稅齊衰傳曰君子不奪人之喪亦不可

三年之喪祥而從政期之喪率哭

奪喪也○服問

而從政九月之喪既葬而從政小功總之喪既殯而從政妻視叔父母姑姊妹視兄弟長中下殤視成人

免喪之外行於道路見似目瞿聞名心瞿弔死而問疾顏色戚容必有以異於人也如此而後可以服三年之

喪其餘則直道而行之是也 父有服宮中子不與於

樂母有服聲聞焉不舉樂妻有服不舉樂於其側大功

將至辟琴瑟小功至不絕樂

○雜記

爾雅

釋親

父為考母為妣父之考為王父父之妣為王母

王父之考為曾祖王父王父之妣為曾祖王母曾祖王

父之考為高祖王父曾祖王父之妣為高祖王母父之

世父叔父為從祖祖父父之世母叔母為從祖祖母父

之舅弟先生為世父後生為叔父男子先生為兄後生

為弟男子謂女子先生為姊後生為妹父之姊妹為姑  
父之從父舅弟為從祖父父之從祖舅弟為族父族父  
之子相謂為族舅弟族舅弟之子相謂為親同姓兄之  
子弟之子相謂為從父舅弟子之子為孫孫之子為曾  
孫曾孫之子為玄孫玄孫之子為來孫來孫之子為舅  
孫舅孫之子為仍孫仍孫之子為雲孫王父之姊妹為  
王姑曾祖王父之姊妹為曾祖王姑高祖王父之姊妹  
為高祖王姑父之從父姊妹為從祖姑父之從祖姊妹

為族祖姑父之從父舅第之母為從祖王母父之從祖  
舅第之母為族祖王母父之兄妻為世母父之弟妻為  
叔母父之從父舅第之妻為從祖母父之從祖舅第之  
妻為族祖母父之從祖祖父為族曾王父父之從祖祖  
母為族曾王母父之妾為庶母祖王父也舅兄也

○宗族

母之考為外王父母之妣為外王母母之王考為外  
曾王父母之王妣為外曾王母母之舅第為舅母之從  
父舅第為從舅母之姊妹為從母從母之男子為從母

舅弟其女子子為從母姊妹

○母黨

妻之父為外舅妻

之母為外姑姑之子為甥舅之子為甥妻之舅弟為甥  
姊妹之夫為甥妻之姊妹同出為姨女子謂姊妹之夫  
為私男子謂姊妹之子為出女子謂舅弟之子為姪謂  
出之子為離孫謂姪之子為歸孫女子子之子為外孫  
女子同出謂先生為姒後生為娣女子謂兄之妻為嫂  
弟之妻為婦長婦謂稚婦為娣娣娣謂長婦為姒婦  
黨 ○妻  
婦稱夫之父曰舅稱夫之母曰姑姑舅在則曰



君舅君姑沒則曰先舅先姑謂夫之庶母為少姑夫之  
兄為兄公夫之弟為叔夫之姊為女公夫之女弟為女  
妹子之妻為婦長婦為嫡婦衆婦為庶婦女子子之夫  
為壻壻之父為姻婦之父為婚父之黨為宗族母與妻  
之黨為兄弟婦之父母壻之父母相謂為婚姻兩壻相  
謂為亞婦之黨為婚兄弟壻之黨為姻兄弟嬪婦也謂  
我舅者吾謂之甥也

姻 ○ 婚

禮記親親以三為五以五為九上殺下殺旁殺而親畢

矣 別子為祖繼別為宗繼禰者為小宗有五世而遷之宗其繼高祖者也是故祖遷於上宗易於下尊祖故敬宗敬宗所以尊祖禰也庶子不祭祖者明其宗也庶子不為長子斬不繼祖與禰故也庶子不祭殤與無後者殤與無後者從祖祔食庶子不祭禰者明其宗也親親尊尊長長男女之有別人道之大者也

○喪服小記

四

世而總服之窮也五世袒免殺同姓也六世親屬竭矣其庶姓別於上而戚單於下昏姻可以通乎繫之以姓

而弗別綴之以食而弗殊雖百世而昏姻不通者周道  
然也 服術有六一曰親親二曰尊尊三曰名四曰出  
入五曰長幼六曰從服從服有六有屬從有徒從有從  
有服而無服有從無服而有服有從重而輕有從輕而  
重自仁率親等而上之至于祖名曰輕自義率祖順而  
下之至于禰名曰重一輕一重其義然也

○大傳 傳曰有從輕而

重公子之妻為其皇姑有從重而輕為妻之父母有從  
無服而有服公子之妻為公子之外兄弟有從有服而  
無服公子為其妻之父母○服問 從服者所  
從亡則已屬從者所從雖沒也服○喪服小記

君有

合族之道族人不得以其戚戚君位也庶子不祭明其宗也庶子不得為長子三年不繼祖也別子為祖繼別為宗繼禰者為小宗有百世不遷之宗有五世則遷之宗百世不遷者別子之後也宗其繼別子之所自出者百世不遷者也宗其繼高祖者五世則遷者也尊祖故敬宗敬宗尊祖之義也有小宗而無大宗者有大宗而無小宗者有無宗亦莫之宗者公子是也公子有宗道公子之公為其士大夫之庶者宗其士大夫之適者公

子之宗道也 自仁率親等而上之至于祖自義率祖  
順而下之至于禰是故人道親親也親親故尊祖尊祖  
故敬宗敬宗故收族收族故宗廟嚴宗廟嚴故重社稷  
重社稷故愛百姓愛百姓故刑罰中刑罰中故庶民安  
庶民安故財用足財用足故百志成百志成故禮俗刑  
禮俗刑然後樂詩云不顯不承無斁於人斯此之謂也

○大傳

○服

問

郊社羣祀

禮記郊之祭也迎長至之日也大報天而主日也兆於南郊就陽位也埽地而祭於其質也器用陶匏以象天地之性也於郊故謂之郊牲用騂尚赤也用犢貴誠也郊之用辛也周之始郊日以至卜郊受命于祖廟作龜于禰宮尊祖親考之義也卜之日王立于澤親聽誓命受教諫之義也獻命庫門之內戒百官也大廟之命戒百姓也祭之日王皮弁以聽祭報示民嚴上也喪者不

哭不敢凶服浼埽反道鄉為田燭弗命而民聽上祭之  
日王被袞以象天戴冕璪十有二旒則天數也乘素車  
貴其質也旂十有二旒龍章而設日月以象天也天垂  
象聖人則之郊所以明天道也帝牛不吉以為稷牛帝  
牛必在滌三月稷牛唯具所以別事天神與人鬼也萬  
物本乎天人本乎祖此所以配上帝也郊之祭也大報  
本反始也○郊特牲 郊之祭也喪者不敢哭凶服不  
敢入國門敬之至也○祭義 大饗不問卜  
不饒富○檀弓 祭天地之牛角繭栗  
宗廟之牛角握賓客之牛角尺○王制

郊之祭大報

天而主日配以月夏后氏祭其闇殷人祭其陽周人祭  
日以朝及闇祭日於壇祭月於坎以別幽明以制上下  
祭日於東祭月於西以別外內以端其位日出於東月  
生於西陰陽長短終始相巡以致天下之和天下之禮  
致反始也致鬼神也致和用也致義也致讓也致反始  
以厚其本也致鬼神以尊上也致物用以立民紀也致  
義則上下不悖逆矣致讓以去爭也合此五者以治天  
下之禮也雖有奇邪而不治者則微矣

○祭義

燔柴於



泰壇祭天也瘞埋於泰折祭地也用騂犢埋少牢於泰  
昭祭時也相近於坎壇祭寒暑也王宮祭日也夜明祭  
月也幽宗祭星也雩宗祭水旱也四坎壇祭四方也山  
林川谷丘陵能出雲為風雨見怪物皆曰神有天下者  
祭百神諸侯在其地則祭之亡其地則不祭

○祭法  
爾雅祭天

曰燔柴祭地曰瘞瘞祭山曰廐縣祭川曰浮沈祭星曰  
布祭風曰磔大戴禮記皇皇上天昭臨下土集地之  
靈降甘風雨庶物羣生各得其所靡今靡古維予一人  
某敬拜皇天之祐薄薄之土承天之神興甘風雨庶  
卉百穀莫不茂者既安且寧唯予一人某敬拜下土之  
靈維某年某月上日明光于上下勤施于四方旁作

穆穆維予一人某敬拜迎于郊以正月朔日迎日于東郊春秋緯請雨祝曰昊天生五穀以養人今五穀病旱恐不成敬進清酒搏脯再拜請雨雨幸大澍博物志止雨祝曰天生五穀以養人民今天雨不止用傷五穀如何如何靈而不幸殺生以賽神靈雨則不止鳴鼓攻之朱綠繩縈而脅之請雨曰皇皇上天昭臨下土集地之靈神降甘雨庶物羣生咸得其所穀梁注雩祭禱辭曰方今大旱野無生稼寡人當死百姓何謗不敢煩民請命願撫百姓以身塞無狀春秋感精符人主與日月同明四時合信故父天母地兄日姊月父天於園丘之祀也母地於方澤之祀也兄日於東郊姊月於西郊○兄姊字奇甚文心雕龍周之太祝掌六祝之辭是以庶物咸生陳於天地之郊旁作穆穆唱於迎日之拜

社祭土而主陰氣也

君南鄉於北墉下答陰之義也日用甲用日之始也天

子大社必受霜露風雨以達天地之氣也是故喪國之社屋之不受天陽也薄社北墉使陰明也社所以神地之道也地載萬物天垂象取材於地取法於天是以尊天而親地也故教民美報焉家主中雷而國主社示本也唯為社事單出里唯為社田國人畢作唯社丘乘共粢盛所以報本反始也季春出火為焚也然後簡其車賦而歷其卒伍而君親誓社以習軍旅左之右之坐之起之以觀其習變也而流示之禽而鹽諸利以觀其不

犯命也求服其志不貪其得故以戰則克以祭則受福

○郊特牲

爾雅春獵為蒐夏獵為苗秋獵為獮冬獵

為狩宵田為獠火田為狩乃立冢土戎醜攸行起大事

動大衆必先有事乎社而後出謂之宜振振聞

闐出為治兵尚威武也入為振振反尊卑也

王為

羣姓立社曰大社王自為立社曰王社諸侯為百姓立

社曰國社諸侯自為立社曰侯社大夫以下成羣立社

曰置社

○祭法

天子社稷皆大牢諸侯社稷皆少牢

○王制

禮外篇大夫成羣立社祝曰今某月

日君為某立社社祭土而主陰氣也五穀用成萬民以

生敢用肥豚嘉蔬清酒敬致大神自今日以來祈請雨

止唯靈是聽子孫

眉壽萬神含靈

王為羣姓立七祀曰司命曰中霤

曰國門曰國行曰泰厲曰戶曰竈王自為立七祀諸侯  
為國立五祀曰司命曰中雷曰國門曰國行曰公厲諸  
侯自為立五祀大夫立三祀曰族厲曰門曰行適士立  
二祀曰門曰行庶士庶人立一祀或立戶或立竈

○祭法

逸中雷禮凡祭五祀於廟用特牲有主有尸皆先設席  
于奧祀戶之禮南面設主于戶內之西乃制脾及腎為  
俎奠于主北又設臠于俎西祭黍稷祭肉祭醴皆三祭  
肉脾一腎再既祭徹之更陳鼎俎設饌于筵前迎尸略  
于祭宗廟之儀祀竈之禮先席于門之東東面設主  
于竈陴乃制脾及心肝為俎奠于主西又設臠于俎南  
亦祭黍三祭肺心肝各一祭醴二亦既祭徹之更陳鼎  
俎設饌于筵前迎尸如祀戶之禮祀中雷之禮設主

于牖下乃制心及肺肝為俎其祭肉心肺肝各一他皆如祀戶之禮 祀門之禮北面設主于門左樞乃制肝及肺心為俎奠于主南又設盛于俎東其他皆如祭竈之禮 祀行之禮北面設主于轅上乃制腎及脾為俎奠于主南又設盛于俎東祭肉腎一脾 天子將出類再其他皆如祀門之禮 ○月令注引

乎上帝宜乎社造乎禰諸侯將出宜乎社造乎禰 天子將出征類乎上帝宜乎社造乎禰禡於所征之地受命於祖受成於學出征執有罪反釋奠于學以訊馘告

○王制 爾雅是禰是禡師祭也既伯既禱馬祭也說文示天垂象見吉凶所以示人也從二三垂日月星也觀乎天文以察時變示神事也柴燒柴爇燎以祭天神祇地祇提出萬物者也禋潔祀也精意以享為禋禡

道上祭禱求事告福也禱禱牲馬祭也禱以事類祭天神禱會福祭也祓除惡祭也禱師行所止恐有慢其神

下而祀之曰禱

天子祭天地祭四方祭山川祭五祀歲徧諸

侯方祀祭山川祭五祀歲徧大夫祭五祀歲徧士祭其先凡祭有其廢之莫敢舉也有其舉之莫敢廢也非其所祭而祭之名曰淫祀淫祀無福

○曲禮

天子祭天地

諸侯祭社稷大夫祭五祀天子祭天下名山大川五嶽視三公四瀆視諸侯諸侯祭名山大川之在其地者天子諸侯祭因國之在其地而無主後者

○王制

夫聖王

之制祭祀也法施於民則祀之以死勤事則祀之以勞  
定國則祀之能禦大菑則祀之能捍大患則祀之是故  
厲山氏之有天下也其子曰農能殖百穀夏之哀也周  
棄繼之故祀以為稷共工氏之霸九州也其子曰后土  
能平九州故祀以為社帝嚳能序星辰以著衆堯能賞  
均刑法以義終舜勤衆事而野死鯀鄣鴻水而殛死禹  
能修鯀之功黃帝正名百物以明民共財顓頊能修之  
契為司徒而民成冥勤其官而水死湯以寬治民而除



其虐文王以文治武王以武功去民之菑此皆有功烈

於民者也及夫日月星辰民所瞻仰也山林川谷丘陵

民所取財用也非此族也不在祀典

○祭法 祭有祈  
馬有報馬有由辟

馬○郊特牲

建國之神位

右社稷而左宗廟○祭義

天子大蜡八伊耆氏始

為蜡蜡也者索也歲十二月合聚萬物而索饗之也蜡

之祭也主先嗇而祭司嗇也祭百種以報嗇也饗農及

郵表畷禽獸仁之至義之盡也古之君子使之必報之

迎貓為其食田鼠也迎虎為其食田豕也迎而祭之也

祭坊與水庸事也曰土反其宅水歸其壑昆蟲毋作草木歸其澤皮弁素服而祭素服以送終也葛帶榛杖喪殺也蜡之祭仁之至義之盡也黃衣黃冠而祭息田夫也野夫黃冠黃冠草服也大羅氏天子之掌鳥獸者也諸侯貢屬焉草笠而至尊野服也羅氏致鹿與女而詔客告也以戒諸侯曰好田好女者亡其國天子樹瓜華不斂藏之種也八蜡以記四方四方年不順成八蜡不通以謹民財也順成之方其蜡乃通以移民也既蜡而

收民息已故既蜡君子不興功

○郊特牲 獨斷土反其宅水歸其壑昆蟲毋

作豐年若土歲取千百○按郊社山川五祀羣神蜡祭諸禮今無其文蓋曲禮三千所逸亡者多矣載記略存其義而諸家各識所聞尤多詘牾不合鄭注所存中雷禮復簡略不備故具錄為篇以俟考証者取裁焉

### 廟制

禮記天子七廟三昭三穆與太祖之廟而七諸侯五廟

二昭二穆與太祖之廟而五大夫三廟一昭一穆與大

祖之廟而三士一廟庶人祭於寢

○王制

天下有王分

地建國置都立邑設廟祧壇墀而祭之乃為親疏多少

之數是故王立七廟一壇一墀曰考廟曰王考廟曰皇考廟曰顯考廟曰祖考廟皆月祭之遠廟為祧有二祧享嘗乃止去祧為壇去壇為墀壇墀有禱焉祭之無禱乃止去墀曰鬼諸侯立五廟一壇一墀曰考廟曰王考廟曰皇考廟皆月祭之顯考廟祖考廟享嘗乃止去祖為壇去壇為墀壇墀有禱焉祭之無禱乃止去墀為鬼大夫立三廟一壇曰考廟曰王考廟曰皇考廟享嘗乃止顯考祖考無廟有禱焉為壇祭之去壇為鬼適士二

廟一壇曰考廟曰王考廟享嘗乃止皇考無廟有禱焉  
為壇祭之去壇為鬼官師一廟曰考廟王考無廟而祭  
之去王考為鬼庶士庶人無廟死曰鬼

○祭法

祭王父

曰皇祖考王母曰皇祖妣父曰皇考母曰皇妣夫曰皇  
辟生曰父曰母曰妻死曰考曰妣曰嬪支子不祭祭  
必告于宗子 餼餘不祭父不祭子夫不祭妻

○曲禮

成廟則釁之其禮祝宗人宰夫雍人皆爵弁純衣雍人  
拭羊宗人祝之宰夫北面于碑南東上雍人舉羊升屋

自中中屋南面封羊血流于前乃降門夾室皆用雞先  
門而後夾室其衄皆於屋下割雞門當門夾室中室有  
司皆鄉室而立門則有司當門北面既事宗人告事畢  
乃皆退反命于君曰釁某廟事畢反命于寢君南鄉于  
門內朝服既反命乃退路寢成則考之而不釁釁屋者  
交神明之道也

○雜記 大戴禮記成廟釁之以羊君  
玄服立于寢門內南向祝宗人宰夫雍

人皆玄服宗人曰請令以釁某廟君曰諾遂入雍人拭  
羊乃行入廟門碑南北面東上雍人舉羊升屋自中中  
屋南面封羊血流于前乃降門以雞有司當門北面雍  
人割雞屋下當門鄉室割雞于室中有司亦北面也既

事宗人告事畢皆退反命于君君寢門中南向宗人曰  
釁某廟事畢君曰諾宗人請就宴君揖之乃退諸侯  
釁廟成廟將遷之新廟君前徙三日齊祝宗人及從  
者皆齊徙之日君玄服從者皆玄服從至于廟君臣如  
朝位君入立于阼階下西向有司如朝位宗人擯舉手  
曰有司某請升君升祝奉幣從在左北面再拜興祝聲  
三曰孝嗣侯某敢以嘉幣告于皇考某侯成廟將徙敢  
告君及祝再拜興祝曰請尊君降立于階下奉衣服者  
皆奉以從祝奉衣服者降堂君及在位者皆辟也奉衣  
服者至碑君從有司皆以次從出廟門奉衣服者升車  
乃步君升車從者皆就車也凡出入門及大溝渠祝下  
擯至于新廟筵于戶牖間搏于西序下脯醢陳于房中  
設洗當東榮南北堂深有司皆先入如朝位祝導奉衣  
服者乃入君從奉衣服者入門左在位者皆辟也奉衣  
服者升堂皆反位君從升奠衣服于席上祝奠幣于几  
東君北向祝在左贊者盥升適房薦脯醢君盥酌奠于

薦西反位君及祝再拜興祝聲三曰孝嗣侯某敬用嘉幣告于皇考某侯今月吉日可以徙于新廟散告再拜君就東廂西面祝就西箱東面在位者皆反走辟如食間擯者舉手曰請反位君反位祝從在左卿大夫及衆有司諸在位者皆反位祝聲三曰孝嗣侯某潔為而明薦之事君及祝再拜君反位祝徹反位擯者曰遷廟事畢請就燕君出廟門卿大夫有司執事者皆出廟門告事畢乃曰擇日而祭焉諸侯遷廟諸侯釁廟遷廟二篇蓋亦曲禮之正經

凡宗廟之器其名者成則釁之以豕豚

○雜記

君子將營宮室宗廟為先廡庫為次居室為後

凡家造祭器為先犧賦為次養器為後無田祿者不設祭器有田祿者先為祭服君子雖貧不粥祭器雖寒不



衣祭服為宮室不斬於丘木大夫士去國祭器不踰竟  
大夫寓祭器於大夫士寓祭器於士 祭服敝則焚之

祭器敝則埋之龜策敝則埋之牲死則埋之

○曲禮

庶

羞不踰牲燕衣不踰祭服寢不踰廟大夫祭器不假祭

器未成不造燕器

○王制

凡祭宗廟之禮牛曰一元大

武豕曰剛鬣豚曰臄肥羊曰柔毛雞曰翰音犬曰羹獻

雉曰疏趾兔曰明視脯曰尹祭橐魚曰商祭鮮魚曰脰祭

水曰清滌酒曰清酌黍曰薌合粱曰薌苺稷曰明粢稻

曰嘉蔬韭曰豐本鹽曰鹹醢玉曰嘉玉幣曰量幣 天

子以犧牛諸侯以肥牛大夫以索牛士以羊豕

○曲禮

大夫士宗廟之祭有田則祭無田則薦庶人春薦韭夏薦麥秋薦黍久薦稻韭以卯麥以魚黍以豚稻以鴈

王○

制 王下祭殤五適子適孫適曾孫適玄孫適來孫諸

侯下祭三大夫下祭二適士及庶人祭子而止

○祭法

### 祭義

禮記祭不欲數數則煩煩則不敬祭不欲疏疏則怠怠

則忘是故君子合諸天道春禘秋嘗霜露既降君子履之必有悽愴之心非其寒之謂也春雨露既濡君子履之必有怵惕之心如將見之樂以迎來哀以送往故禘

有樂而嘗無樂

○祭義 饗禘有樂而食嘗無樂陰陽之義也凡飲養陽氣也凡食養陰氣也

故春禘而秋嘗春饗孤子秋食耆老其義一也而食嘗無樂飲養陽氣也故有樂食養陰氣也故無聲凡聲陽也 郊特牲 鄭注云春禘者夏殷禮也周以禘為殷祭更名春祭曰祠又云禘當為祫字之誤也王制春祫

夏禘

致齊於內散齊於外齊之日思其居處思其笑語

思其志意思其所樂思其所嗜齊三日乃見其所為齊

者

○祭義 齊之玄也以陰幽思也故君子三日齊必見其所祭者○郊特牲 齊者不樂不弔○曲禮

祭之日入室儼然必有見乎其位周還出戶肅然必有聞乎其容聲出戶而聽愾然必有聞乎其嘆息之聲是故先王之孝也色不忘乎目聲不絕乎耳心志嗜欲不忘乎心致愛則存致慤則著著存不忘乎心夫安得不敬乎君子生則敬養死則敬享思終身弗辱也 唯聖人為能饗帝孝子為能饗親饗者鄉也鄉之然後能饗焉是故孝子臨尸而不忤君牽牲夫人奠盎君獻尸

夫人薦豆卿大夫相君命婦相夫人齊齊乎其敬也愉

愉乎其忠也勿勿諸其欲其饗之也

○祭義 太廟之內敬矣君親牽牲

大夫贊幣而從君親制祭夫人薦盎君親割牲夫人薦酒卿大夫從君命婦從夫人洞洞乎其敬也屬屬乎其忠也勿勿乎其欲其饗之也○禮器

孝子將祭慮事不可以不豫比時

具物不可以不備虛中以治之宮室既脩牆屋既設百

物既備夫婦齋戒沐浴奉承而進之洞洞乎屬屬乎

如弗勝如將失之其孝敬之心至也與薦其薦俎序

其禮樂備其百官奉承而進之於是諭其志意以其慌

愍以與神明交庶或饗之庶或饗之孝子之志也 孝  
子之祭也盡其慤而慤焉盡其信而信焉盡其敬而敬  
焉盡其禮而不過失焉進退必敬如親聽命則或使之  
也 孝子之祭可知也其立之也敬以詘其進之也敬  
以愉其薦之也敬以欲退而立如將受命已徹而退敬  
齊之色不絕於面孝子之祭也立而不詘固也進而不  
愉疏也薦而不欲不愛也退立而不如受命教也已徹  
而退無敬齊之色而忘本也如是而祭失之矣孝子之

有深愛者必有和氣有和氣者必有愉色有愉色者必有婉容孝子如執玉如奉盈洞洞屬屬然如弗勝如將失之嚴威儼恪非所以事親也成人之道也 孝子將祭祀必有齊莊之心以慮事以具服物以脩宮室以治百事及祭之日顏色必溫行必恐如懼不及愛然其奠之也容貌必溫身必詘如語焉而未之然宿者皆出其立卑靜以正如將弗見然及祭之後陶陶遂遂如將復入然是故慤善不違身耳目不違心思慮不違親結諸

心形諸色而術省之孝子之志也

義 ○祭

有虞氏之祭

也尚用氣血腥燭祭用氣也殷人尚聲臭味未成滌蕩其聲樂三闋然後出迎牲聲音之號所以詔告於天地之間也周人尚臭灌用鬯臭鬱合鬯臭陰達於淵泉灌以圭璋用玉氣也既灌然後迎牲致陰氣也蕭合黍稷臭陽達於牆屋故既奠然後炳蕭合羶薌凡祭慎諸此覓氣歸于天形覓歸于地故祭求諸陰陽之義也殷人先求諸陽周人先求諸陰詔祝於室坐尸於堂用牲於



庭升首於室直祭祝于主索祭祝于祊不知神之所在於彼乎於此乎或諸遠人乎祭于祊尚曰求諸遠者與

○郊特牲 納牲詔於庭血毛詔於室羹定詔於堂三詔皆不同位蓋道求而未之得也設祭於堂為祊乎外故曰於彼乎於此乎○禮器 祊之為言倮也所之為言敬也富也

者福也首也者直也相饗之也嘏長也大也尸陳也毛血告幽全之物也告幽全之物者貴純之道也血祭盛氣也祭肺肝心貴氣主也祭黍稷加肺祭齊加明水報陰也取腍膋燔燎升首報陽也明水浼齊貴新也凡浼

新之也其謂之明水也由主人之絜著此水也君再拜稽首肉袒親割敬之至也敬之至也服也拜服也稽首服之甚也肉袒服之盡也祭稱孝孫孝子以其義稱也稱曾孫某謂國家也祭祀之相主人自致其敬盡其嘉而無與讓也腥肆爛臠祭豈知神之所饗也主人自盡其敬而已矣舉斚角詔妥尸古者尸無事則立有事而后坐也尸神象也祝將命也縮酌用茅明酌也醖酒泔于清汁獻泔于醖酒猶明清與醖酒于舊澤之酒也○郊

特牲 祭之日君牽牲穆答卿大夫序從既入廟門麗于碑卿大夫袒而毛牛尚耳鷹刀以刲取腍膋乃退爓祭祭腥而退敬之至也○祭義

恒豆之菹水草之和氣也其醢陸產之物也加豆陸產也其醢水物也蘩豆之薦水土之品也不敢用常熟味而貴多品所以交於神明之義也非食味之道也先王之薦可食也而不可者也卷冕路車可陳也而不可好也武壯而不可樂也宗廟之威而不可安也宗廟之器可用也而不可便其利也所以交於神明者不可以同於所安樂之義也酒醴之美玄酒明

水之尚貴五味之本也黼黻文繡之美疏布之尚反女  
功之始也莞簟之安而蒲越橐鞾之尚明之也大羹不  
和貴其質也大圭不琢美其質也丹漆雕幾之美素車  
之乘尊其樸也貴其質而已矣所以交於神明者不可  
同於所安褻之甚也如是而后宜鼎俎奇而籩豆偶陰  
陽之義也黃目鬱氣之上尊也黃者中也目者氣之清  
明者也言酌於中而清明於外也祭天埽地而祭焉於  
其質而已矣醯醢之美而煎鹽之尚貴天產也割刀之

用而鷹刀之貴貴其義也聲和而后斷也

○郊特牲  
君子曰祭祀

不祈不麾蚤不樂葆大不善嘉事  
牲不及肥大薦不美多品○禮器

君子反古復始不

忘其所由生也是以致其敬發其情竭力從事以報其  
親不敢弗盡也是故昔者天子為藉千畝冕而朱紼躬  
秉耒諸侯為藉百畝冕而青紼躬秉耒以事天地山川  
社稷先古以為醴酪齊盛於是乎取之敬之至也古者  
天子諸侯必有養獸之官及歲時齊戒沐浴而躬朝之  
犧牷祭牲必於是取之敬之至也君召牛納而視之擇

其毛而卜之吉然後養之君皮弁素積朔月月半君巡  
牲所以致力孝之至也古者天子諸侯必有公桑蠶室  
近川而為之築宮仞有三尺棘牆而外閉之及大昕之  
朝君皮弁素積卜三宮之夫人世婦之吉者使入蠶于  
蠶室奉種浴于川桑于公桑風戾以食之歲既單矣世  
婦率蠶奉繭以示于君遂獻繭于夫人夫人曰此所以  
為君服與遂副禘而受之因少牢以禮之古之獻繭者  
其率用此與及良日夫人繅三盆手遂布于三宮夫人

世婦之吉者使繅遂朱綠之玄黃之以為黼黻文章服既成君服以祀先王先公敬之至也

○祭義

凡治人之

道莫急於禮禮有五經莫重於祭夫祭者非物自外至者也自中出生於心者也心怵而奉之以禮是故唯賢者能盡祭之義賢者之祭也必受其福非世所謂福也福者備也備者百順之名也無所不順者之謂備言內盡於已而外順於道也忠臣以事其君孝子以事其親其本一也上則順於鬼神外則順於君長內則以孝於親

如此之謂備唯賢者能備能備然後能祭是故賢者之祭也致其誠信與其忠敬奉之以物道之以禮安之以樂參之以時明薦之而已矣不求其為此孝子之心也祭者所以追養繼孝也孝者畜也順於道不逆於倫是之謂畜是故孝子之事親也有三道焉生則養沒則喪喪畢則祭養則觀其順也喪則觀其哀也祭則觀其敬而時也盡此三道者孝子之行也既內自盡又外求助昏禮是也故國君取夫人之辭曰請君之玉女與寡人



共有敝邑事宗廟社稷此求助之本也夫祭也者必夫  
婦親之所以備外內之官也官備則具備水草之菹陸  
產之醢小物備矣三牲之俎八簋之實美物備矣昆蟲  
之異草木之實陰陽之物備矣凡天之所生地之所長  
苟可薦者莫不咸在示盡物也外則盡物內則盡志此  
祭之心也是故天子親耕於南郊以共齊盛王后蠶於  
北郊以共純服諸侯耕於東郊亦以共齊盛夫人蠶於  
北郊以共冕服天子諸侯非莫耕也王后夫人非莫蠶

也身致其誠信誠信之謂盡盡之謂敬敬盡然後可以  
事神明此祭之道也及時將祭君子乃齊齊之為言齊  
也齊不齊以致齊者也是故君子非有大事也非有恭  
敬也則不齊不齊則於物無防也耆欲無止也及其將  
齊也防其邪物訖其耆欲耳不聽樂故記曰齊者不樂  
言不敢散其志也心不苟慮必依於道手足不苟動必  
依於禮是故君子之齊也專致其精明之德也故散齊  
七日以定之致齊三日以齊之定之之謂齊齊者精明

之至也然後可以交於神明也是故先期旬有一日宮  
宰宿夫人夫人亦散齊七日致齊三日君致齊於外夫  
人致齊於內然後會於大廟君純冕立於阼夫人副褱  
立於東房君執圭瓚裸尸大宗執璋瓚亞裸及迎牲君  
執紼卿大夫從士執芻宗婦執盎從夫人薦浼水君執  
鸞刀羞齊夫人薦豆此之謂夫婦親之

○祭統  
至教聖人至德

廟堂之上壘尊在阼犧尊在西廟堂之下縣鼓在西應  
鼓在東君在阼夫人在房大明生於東月生於西此陰  
陽之分夫婦之位也君西酌犧象夫人東酌壘  
尊禮交動乎上樂交應乎下和之至也○禮器  
及入

舞君執干戚就舞位君為東上冕而總干率其羣臣以樂皇尸是故天子之祭也與天下樂之諸侯之祭也與竟內樂之冕而總干率其羣臣以樂皇尸此與竟內樂之之義也夫祭有三重焉獻之屬莫重於裸聲莫重於升歌舞莫重於武宿夜此周道也凡三道者所以假於外而以增君子之志也故與志進退志輕則亦輕志重則亦重輕其志而求外之重也雖聖人弗能得也是故君子之祭也必身自盡也所以明重也道之以禮以奉

三重而薦諸皇尸此聖人之道也 夫祭有餼餼者祭之末也不可不知也是故古之人有言曰善終者如始餼其是已是故古之君子曰尸亦餼鬼神之餘也惠術也可以觀政矣是故尸謬君與卿四人餼君起大夫六人餼臣餼君之餘也大夫起士八人餼賤餼貴之餘也士起各執其具以出陳于堂下百官進徹之下餼上之餘也凡餼之道每變以衆所以別貴賤之等而興施惠之象也是故以四簋黍見其脩於廟中也廟中者竟內

之象也祭者澤之大者也是故上有大澤則惠必及下  
顧上先下後耳非上積重而下有凍餒之民也是故上  
有大澤則民夫人待于下流知惠之必將至也由餒見  
之矣故曰可以觀政矣夫祭之為物大矣其興物備矣  
順以備者也其教之本與是故君子之教也外則教之  
以尊其君長內則教之以孝於其親是故明君在上則  
諸臣服從崇事宗廟社稷則子孫順孝盡其道端其義  
而教生焉是故君子之事君也必身行之所不安於上

則不以使下所惡於下則不以事上非諸人行諸已非  
教之道也是故君子之教也必由其本順之至也祭其  
是與故曰祭者教之本也已 夫祭有十倫焉見事鬼  
神之道焉見君臣之義焉見父子之倫焉見貴賤之等  
焉見親疏之殺焉見爵賞之施焉見夫婦之別焉見政  
事之均焉見長幼之序焉見上下之際焉此之謂十倫  
鋪筵設同几為依神也詔祝於室而出于祊此交神明  
之道也君迎牲而不迎尸別嫌也尸在廟門外則疑於

臣在廟中則全於君君在廟門外則疑於君入廟門則全於臣全於子是故不出者明君臣之義也夫祭之道孫為王父尸所使為尸者於祭者子行也父北面而事之所以明子事父之道也此父子之倫也尸飲五君洗玉爵獻卿尸飲七以瑤爵獻大夫尸飲九以散爵獻士及羣有司皆以齒明尊卑之等也夫祭有昭穆昭穆者所以別父子遠近長幼親疎之序而無亂也是故有事於大廟則羣昭羣穆咸在而不失其倫此之謂親疏之



殺也古者明君爵有德而祿有功必賜爵祿於大廟示不敢專也故祭之日一獻君降立于阼階之南南鄉所命北面史由君右執策命之再拜稽首受書以歸而舍奠于其廟此爵賞之施也君卷冕立于阼夫人副褕立于東房夫人薦豆執校執醴受之執鐙尸酢夫人執柄夫人授尸執足夫婦相授受不相襲處酢必易爵明夫婦之別也凡為俎者以骨為主骨有貴賤殷人貴髀周人貴肩凡前貴於後俎者所以明祭之必有惠也是故人貴肩凡前貴於後俎者所以明祭之必有惠也是故

貴者取貴骨賤者取賤骨貴者不重賤者不虛示均也  
惠均則政行政行則事成事成則功立功之所以立者  
不可不知也俎者所以明惠之必均也善為政者如此  
故曰見政事之均焉凡賜爵昭為一穆為一昭與昭齒  
穆與穆齒凡羣有司皆以齒此之謂長幼有序夫祭有  
畀輝胞翟闇者惠下之道也唯有德之君為能行此明  
足以見之仁足以與之畀之為言與也能以其餘畀其  
下者也輝者甲吏之賤者也胞者肉吏之賤者也翟者

樂吏之賤者也閹者守門之賤者也古者不使刑人守門此四守者吏之至賤者也尸又至尊以至尊既祭之末而不忘至賤而以其餘畀之是故明君在上則竟內之民無凍餒者矣此之謂上下之際

統○祭

爾雅春祭曰祠夏祭曰禘秋祭曰嘗冬祭曰蒸 禘大祭也 繹又祭也周曰繹商曰彤夏曰復胙

禮記天子諸侯宗廟之祭春曰禘夏曰禘秋曰嘗冬曰烝天子植禘禘禘嘗禘烝諸侯禘則不禘禘則不嘗

嘗則不烝烝則不禘諸侯禘禘一禘一祫嘗祫烝祫

○王制○注疏云蓋夏殷制也

凡祭有四時春祭曰禘夏祭曰禘秋

祭曰嘗冬祭曰烝禘禘陽義也嘗烝陰義也禘者陽之盛也嘗者陰之盛也故曰莫重於禘嘗古者於禘也發爵賜服順陽義也於嘗也出田邑發秋政順陰義也故記曰嘗之日發公室示賞也草艾則墨未發秋政則民弗敢草也故曰禘嘗之義大矣治國之本也不可不知也明其義者君也能其事者臣也不明其義君人不全

不能其事為臣不全夫義者所以濟志也諸德之發也是故其德盛者其志厚其志厚者其義章其義章者其祭也敬祭敬則竟內之子孫莫敢不敬矣是故君子之祭也必身親蒞之有故則使人可也雖使人也君不失其義者君明其義故也其德薄者其志輕疑於其義而求祭使之必敬也弗可得已祭而不敬何以為民父母矣

○祭統 未嘗不食新○少儀

禮不王不禘王者禘其祖之所自

出以其祖配之諸侯及其太祖大夫士有大事省於其

君干祿及其高祖

○大傳

禮不王不禘王者禘其祖

子王亦如之  
○喪服小記

祭法有虞氏禘黃帝而郊嚳祖顓頊而

宗堯夏后氏亦禘黃帝而郊鯀祖顓頊而宗禹殷人禘

嚳而郊冥祖契而宗湯周人禘嚳而郊稷祖文王而宗

武王太凡生於天地之間者皆曰命其萬物死皆曰

折人死曰鬼此五代之所不變也七代之所更立者禘

郊祖宗其餘不變也

○祭法

釋史卷二十四之四